

## **UDRUŽENJE POSLODAVACA U FBIH**

### **SARAJEVO**

#### **Z A P I S N I K**

sa 32. redovne proširene sjednice UO Udruženja poslodavaca u FBIH, održane dana 10.11.2015 godine (utorak), sa početkom u 11:00 časova u prostorijama ASA Grupacije (Bulevar Meše Selimovića 16.) u Sarajevu .

**Sjednici su prisustvovali članovi U.O.:** Safudin Čengić, Midhat Terzić, Vejsil Huremović, Esnef Memić (zamjena za Hamed Šivšić), Josp Milas, Milenko Čolak, Adisa Karahodžić ( zamjena za Muharem Sejdić), Ibrahim Meškić ( zamjena za Rasim Salčinović), Haris Muslić, Ante Suton, Suhad Ećo, Predrag Čović i Adnan Hodžić ( zamjena za Rusmir Hrvić).

**Sjednici nisu prisustvovali članovi U.O.:** Šaban Rizvić i Stipe Prlić.

**Sjednici su pored članova UO i ESV-a prisustvovali** i privrednici sa Kantona Sarajevo.

**Ispred UP FBIH:** Mladen Pandurević, Mersiha Jusić i Vesna Smajlović.

Predsjednik U.O. je pozdravio prisutne i predložio sljedeći:

#### **DNEVNI RED:**

1. Usvajanje zapisnika sa 32. proširene sjednice Upravnog odbora UP FBIH;
2. Razmatranje i usvajanje Odluke o izboru članova Upravnog odbora UPFBiH:
  - a) zamjena postojećeg člana;
  - b) izbor 6. novih članova;
3. Razmatranje i usvajanje Odluke o izboru članova Izvršnog odbora UPFBiH;
4. Razmatranje i usvajanje Odluke o izboru člana Kreditnog komiteta Fondacije ODRAZ;
5. Usvajanje Prečišćenog teksta Statuta UPFBiH;
6. Razmatranje i usvajanje Odluke o formiranju Grupacije poslodavaca za djelatnost trgovine pri Udruženju poslodavaca u FBIH;
7. Razmatranje i usvajanje Odluke o formiranju Grupacije poslodavaca za djelatnost prehrambene industrije;
8. Razmatranje Radnog teksta Zakona o uvezivanju staža;
9. Informacija o pregovorima sa Savezom samostalnih sindikata BiH o Opštem kolektivnom ugovoru za teritoriju FBiH;
10. Informacija o aktivnostima vezano za Prijedlog Zakona o porezu na dobit;
11. Tekuća pitanja

#### **RASPRAVA PO TAČKAMA DNEVNOG REDA**

##### **Tačka 1. Razmatranje i usvajanje zapisnika sa 32. proširene sjednice UO**

Predsjednik je napomenuo da su svi dobili zapisnik u materijalima i zamolio prisutne da daju svoje primjedbe. Obzirom da nije bilo primjedbi predsjednik je zapisnik stavio na glasanje.

**Zaključak: Zapisnik je jednoglasno usvojen u predloženom obliku.**

**Tačka 2. Razmatranje i usvajanje Odluke o izboru članova Upravnog odbora UPFBiH:**

- c) zamjena postojećeg člana;**
- d) izbor 6. novih članova;**

Vezano za ovu tačku dnevnog reda Predsjednik je ukratko obrazložio prisutnima da je potrebno izvršiti zamjenu dosadašnjeg člana Upravnog odbora UPFBiH i potpredsjednika UPFBiH obzirom da je dosadašnji član i potpredsjednik Upravnog odbora Stipe Prlić smijenjen sa pozicije predsjednika Uprave-direktora JP Hrvatske telekomunikacije d.d. Mostar, ispred koga je bio imenovan za člana UO na taj način mu je prestao mandat u UO.

Pored novog člana UO i potpredsjednika UO u skladu sa Izmjena i dopunama Statuta Udruženja poslodavaca u FBiH koji je usvojila Skupština Udruženja poslodavaca u FBiH održana 11.03.2015. godine potrebno je izvršiti izbor dodatnih 6 članova UO i izbor Izvršnog odbora Udruženja poslodavaca FBiH.

Prema članu 4. Statuta o izmjenama i dopunama Statuta UPFBiH broj članova Upravnog odbora se sa 15 povećava na 21, a prema članu 5 u Udruženju se formira novi organa Izvršni odbor. U tom smislu obaveza Upravnog odbora UP FBiH jeste da, shodno odredbama novog Statuta, provede propisanu proceduru za popunjavanje Upravnog odbora i izbor članova Izvršnog odbora.

Za članove Upravnog odbora predloženi su:

1. **Nurdin Peštalić**, direktor Wagner Automotiv d.o.o. iz Gradačca,
2. **Ramiz Grapkić**, Predsjednik Udruženja proizvođača namještaja i direktor Jadrina d.o.o. Gračanica
3. **Enisa Bekto**, direktorica Bekto Precisa d.o.o. iz Goražda,
4. **Eldin Hadžiselimović**, generalni direktor Asa Holding iz Sarajeva i
5. **Tomislav Benković**, direktor Bosanac d.d. iz Orašja

Vezano za prijedlog 6-og člana Upravnog odbora Udruženja poslodavaca FBiH bilo je dogovoreno da se imenuje predstavnik Udruženja poslodavaca Vitez. Predsjednik Skupštine UPFBiH Zoran Gazibarić je obavio konsultacije sa poslodavcima iz Viteza i nakon konsultacija smo dobili prijedlog za člana Upravnog odbora a to je **Jozo Miškić**, predstavnik Udruženja poslodavaca Vitez i direktor kompanije Bogner Edelstahl d.o.o. iz Viteza.

Međutim na kraju dana prije održavanja sjednice Upravnog odbora Jozo Miškić nas je obavijestio da iz privatnih razloga povlači svoju saglasnost na prijedlog za imenovanje člana Upravnog odbora UPFBiH.

## **Shodno navedenom jedno mjesto Upravnog odbora je ostalo upražnjeno**

Zaključak: Obzirom da nije bilo novih prijedloga od strane prisutnih predloženi članovi Upravnog odbora su u potpunosti usvojeni.

**Ad 1.** Za novog člana UO i potpredsjednika UO izabran je **Vilim Primorac, Predsjednik Uprave - direktor JP HT Eronet Vilimom Primoracem.**

**Ad 2.** Za članove Upravnog odbora imenovani su:

1. **Nurdin Peštalić**, direktor Wagner Automotiv d.o.o. iz Gradačca,
2. **Ramiz Grapkić**, Predsjednik Udruženja proizvođača namještaja i direktor Jadrina d.o.o. Gračanica
3. **Enisa Bekto**, direktorica Bekto Precisa d.o.o. iz Goražda,
4. **Eldin Hadžiselimović**, generalni direktor Asa Holding iz Sarajeva i
5. **Tomislav Benković**, direktor Bosanac d.d. iz Orašja

Mjesto za 6-og člana UO je ostalo upražnjeno.

## **Tačka 3. Razmatranje i usvajanje Odluke o izboru članova Izvršnog odbora UPFBiH;**

Predsjednik je vezano za ovu tačku obrazloženje dao već u prethodnoj tački da je u skladu sa Izmjenama i dopunama Statuta UPFBiH potrebno izvršiti izbor članova Izvršnog odbora.

Prema Izmjenama Statutu Izvršni odbor broji 7. članova kojeg čini Predsjednik i dva Potpredsjednika UO i 4. člana Upravnog odbora.

Predsjednik i potpredsjednici Upravnog odbora su po svojoj funkciji i predsjednici i potpredsjednici Izvršnog odbora.

Predloženi članovi za Izvršni odbor su:

1. **Safudin Čengiđ, Predsjednik UO**
2. **Midhat Terzić, Potpredsjednik UO**
3. **Vilim Primorac, Potpredsjednik UO**
4. **Predrag Čović, član UO**
5. **Adisa Karahodžić, član UO**
6. **Eldin Hadžiselimović, član UO**
7. **Nurdin Peštalić, član UO**

Prilikom prijedloga članova shodno članu 31. Statuta UP FBiH učinio se napor da se obezbijedi ravnomjerna zastupljenost prema djelatnosti, veličini kompanije te teritorijalna, nacionalna i spolna zastupljenost. Također ispoštovan je i član 30. Statuta UPFBiH prema kojem članovi organa UPFBiH mogu biti predstavnici članova Udruženja, koji su: vlasnici, suvlasnici, direktori, članovi uprave ili prokuristi.

**Zaključak: Obzirom da nije bilo novih prijedloga od strane prisutnih članova prijedlog je u potpunosti usvojen. Za članopve Izvršnog odbora imenovani su:**

- 1. Safudin Čengiđ, Predsjednik UO**
- 2. Midhat Terzić, Potpredsjednik UO**
- 3. Vilim Primorac, Potpredsjednik UO**
- 4. Predrag Čović, član UO**
- 5. Adisa karahodžić, član UO**
- 6. Eldin Hadžiselimović, član UO**
- 7. Nurdin Peštalić, član UO**

**Tačka 4. Razmatranje i usvajanje Odluke o izboru člana Kreditnog komiteta Fondacije ODRAZ;**

Predsjednik je upozano prisutne da se Udruženju poslodavaca u FBiH obratila se Fondacija za održivi razvoj u kojem traži prijedlog za člana Kreditnog Komiteta. Naime, Fondacije za održivi razvoj-ODRAZ implementira Projekt poboljšanja pristupa finansijskim sredstvima za mala i srednja preduzeća - SME AF, sukladno Kreditnom sporazumu sa Svjetskom bankom, odlukama Vlade Federacije BiH i drugim projektnim dokumentima. U okviru Projekta je uspostavljen Revolving fond, kao dugorodni instrument Vlade Federacije BiH za kreditiranje malih i srednjih preduzeća pod povoljnijim uvjetima od onih koji danas nude finansijske institucije u Bosni i Hercegovini. U cilju osiguranja uvjeta za dostizanje efektivnosti Revolving fonda i početak njegove implementacije, između ostalog, potrebno je da Upravni odbor Fondacije Odras imenuje Kreditni komitet, koji je nadležan za razmatranje i odobravanje kreditnih zahtjeva, dostavljenih i prethodno odobrenih od strane partnerskih komercijalnih banaka. Kreditni komitet ima pet članova i projektnim dokumentima je predviđeno da jedna od asocijacija privrednika Federacije BiH delegira jednog svog predstavnika kao člana Kreditnog komiteta.

Prijedlog je da se za člana Kreditnog odbora imenuje Midhat Terzić, potpredsjednik UO UPFBiH i direktor Sarajevo osiguranja d.d.

**Zaključak: Obzirom da nije bilo prijedloga od strane prisutnih za člana Kreditnog komiteta Fondacije Odras u ime Udruženja poslodavaca u FBiH imenovan je Midhat Terzić, potpredsjednik UO UPFBiH i direktor Sarajevo osiguranja d.d. iz Sarajeva.**

**Tačka 5. Usvajanje Prečišćenog teksta Statuta UPFBiH;**

Predsjednik je upozano prisutne da je radi lakšeg rada pripremljen Prečišćeni tekst Statuta Udruženja poslodavaca u FBiH obuhvata Statut Udruženja poslodavaca u FBiH koji je usvojila Skupština na sjednici održanoj 09.04.2014. godine i Statut o izmjenama i dopunama Statuta

koji je usvojila Skupština Udruženja poslodavaca na sjednici održanoj dana 11.03.2015.godine u kojima je naznačeno njihovo stupanje na snagu.

**Zaključak: UO je usvojio Prečišćeni tekst Statuta UPFBiH.**

**Tačka 6. i 7. Razmatranje i usvajanje Odluke o formiranju Grupacije poslodavaca za djelatnost trgovine pri Udruženju poslodavaca u FBiH; Razmatranje i usvajanje Odluke o formiranju Grupacije poslodavaca za djelatnost prehrambene industrije.**

Vežano za ovu tačku dnevnog reda Predsjednik je upoznao prisutne da je u skladu sa Izmjenama i dopunama Statuta potrebno formirati Grupacije unutar Udruženja poslodavaca koje do sada nisu formirane. U tom smislu predloženo je da se donese Odluke o formiranju grupacija: za djelatnost trgovine; djelatnost prehrambene industrije, industrije pića i duhanske industrije; djelatnost hotelijerstva; za oblast telekomunikacija i oblast grafičko-izdavačke djelatnosti.

**Zaključak: Upravni odbor je donio sljedeće odluke: Odluku o formiranju Grupacije za djelatnost trgovine pri UPFBiH; Odluku o formiranju Grupacije za djelatnost prehrambene industrije, industrije pića i duhanske industrije pri UPFBiH; Odluku o formiranju grupacije hotelijerstva i ugostiteljstva pri UPFBiH; Odluku o formiranju Grupacije za djelatnost grafičko-izdavačke industrije pri UPFBiH; Odluku o formiranju Grupacije za telekomunikacije pri UPFBiH;**

**Zadužuje se stručna služba da u narednom periodu u skladu sa Odlukama pokrene aktivnosti za formiranje Grupacija.**

**Tačka 8. Razmatranje Radnog teksta Zakona o uvezivanju staža;**

Vežano za ovu tačku dnevnog reda Predsjednik je upoznao prisutne da su dobili tekst i da je potrebno da UPFBiH da svoje prijedloge.

Nakon uvodnog izlaganja predsjednik je otvorio raspravu. U raspravi su učestvovali svi prisutni

Nakon rasprave je donesen sljedeći:

**Zaključak: Vežano za Zakon o uvezivanju radnog staža** Upravni odbor je zaključio da se kod donošenja ovog Zakona mora pokazati socijalna osjetljivost, budući da se radi o zbrinjavanju radnika kojima nije uplaćivan radni staž, te u cilju održavanja socijalnog mira pokušati sa Vladom naći zajedničko rješenje. U tom smislu UO je donio sljedeće zaključke:

1. Zakonom se mora obavezno obezbijediti ravnopravan tretman prema zaposlenicima svih kompanija neovisno od vlasničke strukture, dakle moraju biti obuhvaćene i privatne i državne kompanije.
2. Zakonom moraju biti obuhvaćena sva privredna društva i institucije.
3. Zakonom se mora predvidjeti mogućnost da se zaduži Federacija BiH da uzme kredit pa onda da se automatski zaduženje prenese na privredne subjekte i institucije koje

koriste sredstva, uz obavezu da iznos sredstava bez kamata ili sa povoljnijim kamatama vrate u roku od 10 godina.

4. Obaveza da se kompanije koje idu u likvidaciju zaduže iz budžeta.
5. Osnovni cilj Zakona je zbrinjavanje ljudi koji ne mogu da odu u penziju zato što nemaju uplaćen radni staž.
6. Da se insistira od Vlade da uporedo sa donošenjem ovog Zakona napravi zakonski sistem odgovornosti (stečaj, kazne, garancije) za kompanije koje ne uplaćuju doprinose kako bi se spriječilo dalje ne izvršavanje obaveza po osnovu doprinosa od strane svih kompanija.

Ukoliko Vlada ne usvoji primjedbu poslodavca pod tačkom 3. koja se odnosi na zaduženje Federacije i automatsko zaduženje kompanija uz povoljnije uslove, poslodavci smatraju da bi ovaj Zakon trebao da ima pravi naziv a to je Zakon o amnestiji za neizvršavanje obaveza po osnovu PIO.

Navedeni zaključci će biti smjernice za rad delegacije ESV-a, zaključio je Upravni odbor.

#### **Tačka 9. Informacija o aktivnostima vezano za Prijedlog Zakona o porezu na dobit;**

Kada je u **pitanju Zakon o porezu na dobit** Predsjednik UO je ukratko informisao članove UO o aktivnostima vezano za prijedlog Zakona o porezu na dobit. Predsjednik UO je istakao da je su održana dva ključna sastanka predstavnika Udruženja poslodavaca sa predstavnicima Ministarstva finansija i Premijerom Vlade FBiH i njegovima saradnicima. Na sastanku sa predstavnicima Ministarstva finansija dogovreno je da će primjedbe poslodavaca na član 36. koje se odnose na povlastice po osnovu zapošljavanja i investiranja biti ugrađene u konačnu verziju teksta Zakona o porezu na dobit. Obzirom da ministarstvo finansija nije prihvatilo da Zakonom o porezu na dobit definišu povlastice po osnovu izvoza na sastanku predstavnika UPFBiH i Premijera Vlade Federacije je dogovreno da će istovremeno sa Zakonom o porezu na dobiti u proceduru ići i Zakon o poticajima a radnu verziju teksta bi trebalo pripremiti Udruženje poslodavaca u FBiH.

Zaključak: UPFBiH čim dobije najnoviju verziju Zakona o porezu na dobit uputiti svim članovima Radne Grupe koja je učestvovala u pregovorima sa Ministarstvom finansija. Obzirom da je sa Premijerom Vlade Federacije dogovreno da će istovremeno sa Zakonom o porezu na dobiti u proceduru ići i Zakon o poticajima te da bi radnu verziju teksta trebalo pripremiti Udruženje poslodavaca u FBiH UO UPFBiH je imenovao Komisiju za izradu radnog teksta Zakona o poticajima u sastavu od:

1. Mladen Pandurević,
2. Milenko Čolak,
3. Eldin Hadžiselimović i
4. Muhamed Pilav

Pored imenovanih članova u rad Komisije će se uključiti i članovi Ekonomskog Savjeta UPFBiH.

**Tačka 10. Informacija o pregovorima sa Savezom samostalnih sindikata BiH o Općem kolektivnom ugovoru za teritoriju FBiH;**

Predsjednik UO je ukratko informisao prisutne o toku pregovora o Općem kolektivnom Ugovoru za teritoriju FBiH. Novi pregovori za zaključivanje Općeg kolektivnog ugovora koji su shodno zaključcima sa vanredne sjednice ESV-a koja je održana 09.11.2015. godine planirani od 19-22.11.2015 godine.

**Zaključak:** Uo je dao punu podršku članovima pregovaračkog tima za vođenje pregovora za zaključivanje OKU. Članovi pregovaračkog tima su napomenuli da će učiniti sve napore da u periodu od 19-22.11. 2015. godine pokušaju sa SSS BIH naći zajedničko rješenje i parafiraju Opći kolektivni ugovor ali su istovremeno i izrazili svoju bojznost da predstavnici SSS BIH nemaju jedinstveni stav i nemaju kompetente osobe kada su u pitanju pregovori. Ovo će možda predstavljati najveći problem prilikom pregovora zaključili su članovi UO.

**Tačka 11. Tekuća pitanja**

Po ovoj tački dnevnog reda raspravljalo se:

- a)Pozivnica Revicon na: „ XV Međunarodni ekonomski forum KORPORATIVNO UPRAVLJANJE U BIH“ koji je zakazan za 3. i 4. decembar 2015. godine

**Zaključak:** Predsjednik UO će u ime UPFBiH uzeti učešće na „ XV Međunarodni ekonomski forum KORPORATIVNO UPRAVLJANJE U BIH“.

Sjednica je završena u 15 časova.

Zapisnik sačinila  
Mersiha Jusić

Predsjednik Upravnog odbora

Safudin Čengić